

金史三

九之十二 章宗

十三 衛紹王

十四 宣宗上



本紀第十二

金史十一

國史領經筵事都總裁臣孔元

勅修

章宗四

四年春正月乙丑朔帝為皇太后遣使來賀丁卯諭外方使人不得佩刀入宮宮中無禁錮王不成築觀疾辛未祀先春宮春水壬申法雲寺三子三子尚書省奏宗賀正禮遂至慶都卒詔遣防禦使女三列在祭致賻絹布各二百二十疋仍命送伴使張應設宴以饗王不成帝卒如高麗國王不成及嗣子執遣使於二月乙未朔還宮丁酉以

山東河北旱詔祈雨東北二款臣亥命購豫王衣成遺文
庚戌始祭三皇五帝四王癸丑詔刺史州郡無宣聖廟學
者並增修之三月丁卯日食無光大風毀宣陽門魏尾癸
酉命大興府祈雨戊寅幸太極宮詔定前代帝王合致祭
者尚書省奏三皇五帝四王已行三年一祭之禮若夏太
康殷太甲太戊武丁周成王康王宣王漢高祖文景武宣
光武明帝章帝唐高祖文皇一千七君致祭為定從之乙
酉祈雨于北郊丁亥如舊年官去辰祈雨于北稷遼陽府
判官斜卯割家以上書請用舊制官一階罷之夏四月
丙申詔定縣令以下考課法己亥祈雨于太廟庚子增定

關防數細格丙午定衣服制以祈雨望祀嶽鎮海瀆于北
郊癸丑祈雨于社稷甲寅以夕罕下詔書第求百言警正
殿減膳徹樂省御輿馬免車舊州縣徭役及今年不羨稅遣
使審繫囚理冤獄乙卯宰臣上表符罪詔答曰朕德有愆
上天示異卿等各趨乃職思副朕懷戊午以酉上朝門使
張儼等為故高麗國王王暉勸問起復橫賜使庚申祈雨于太廟壬
為高麗國王王暉勸問起復橫賜使庚申祈雨于太廟壬
戌萬寧宮端門災五月乙丑祈雨于北郊有司請雩詔三
禱嶽瀆社稷宇廟不雨乃行之癸酉平章政事徒單鑑尚
書右丞完顏匡罷甲戌雨乙亥百官上表請御正殿復常

儀乙酉謝雨于宗廟丁亥報祀社稷汰隨朝冗官定省令
史關決公務詭稱已稟擅返六部大理寺評狀及妄言所
更易者罪辛卯報謝獄錮海濱六月七日死羅兼所傳給
壬寅復行更日移轉法乙卯於祭中雷戊申罷志川高三
州秀巖溪陽微川咸寧全安利州六縣及北京宮苑使諸
群牧提舉居庸紫荆通會三關使西北路鎮防十三千戶
諸路醫學博士壬子司六臺長行張翼進天象傳秋七月
丁卯定申報盜賊制戊辰朝會于衍慶宮庚午幸望京甸
壬申如萬安宮甲戌罷限越法甲申改葬鎬王未中干威
州八月大理丞姬端脩司直溫敦按帶論奏知大興府事

紀石烈執中坐所言不當各削一官罷職丁酉以尚書右
丞相崇浩為左丞相右丞僕散揆為平章政事參知政事
孫即康為尚書右丞御史大夫僕散端為左丞吏部尚書
獨吉思忠為參知政事庚子詔完顏綱喬守宋元七等編
類陳言文字其言涉宮庭若大臣省臺六部各以類從凡
二千卷辛丑以西京留守崇肅為御史大夫癸卯更定閣
門祇候出職格先詔以天旱詔求直言至是尚書省奏河
南有盧顯達汝州王大材所陳言涉不遜請以情理切害
論其罪從之仍徧諭中外命諸路學校生徒少者罷教授
止以本州府文資官提控之丁未以安州軍事判官劉常

言諸按察司體訪不實輒加糾劾者從故出入人罪論仍
勒停若事涉私曲各從本法辛亥還宮乙卯以知真定府
事完顏昌等爲賀宋生日使丁巳幸太極宮施園場遠地
禁縱民耕捕樵採減教坊長行五十人渤海教坊長行三
十人文繡署女工五十人出宮女百六十八人九月庚申朔
天壽節宋高麗夏遣使來賀丙寅如薊州秋山壬申定屯
田戶自種及租佃法冬十月甲午定私贖法丙申詔親宣
三十五以下令習孝經論語癸卯至自秋山甲寅以提點
尚衣局完顏燮爲夏國生日使十一月丁卯以殿前古副
都點檢烏林荅毅等爲賀宋元旦使癸酉木冰九三日丁
丑定收補承應人格十二月己丑朔新平等縣野蚘蟲生
已亥左丞相崇浩等請上尊號不許辛丑勅陝西河南饑
民所鬻男女官爲贖之乙卯百官再表乞受尊號不許

五年春正月己未朔大雪宋高麗夏遣使來賀庚申謁衍
慶宮乙丑幸太極宮丁卯如光春宮春水壬申朝獻于衍
慶宮乙亥詔有司自泰和三年郡縣三經行幸民嘗供億
者賜今年租稅之半丁丑次霸州調山東河北軍六改治
漕渠二月己丑朔諭按察司近制以鎮靜而知大體爲稱
職苛細而闇於大體爲不稱由是各路按察以因循爲事
莫思舉刺郡縣以貪黷相尚莫能畏戢自今若糾察得實

民無冤滯能使一路鎮靜者為稱職其或煩紊使民不得
伸愬者是為曠廢癸巳定鞠勘官受飲宴者罪已亥如建
春宮甲寅制盜用及偽造都門契者罪視宮城門減一等
三月庚申還宮癸亥更定兩稅輸限乙丑宋兵入秦川界
庚午親王百官請上尊號不許甲戌諭有司進士名有犯
孔子諱者避之仍著為令命給米諸寺自十月十五日至
次年正月十五日作糜以食貧民戊寅罷獄空錢辛巳宋
兵入鞏州來遠鎮唐州得宋謀者言韓侂胄屯兵鄂岳將
謀北侵四月戊子朔如萬寧宮癸巳命樞密院移文宋人
依誓約撤新兵毋縱入境壬子定隨路轉運司及府官每

或未詳知若依前
亦豈能終已卿等
于衍慶宮丙申宋
蒲鮮長安擊走之斬
河縣官兼管白漕河
戊未人入撒牟谷陝
轄完顏七斤約宋
波部長趙彥雄等七
僅以身免二月甲戌
又差官覆察權削而

心臣下或復有云朕雖兼愛生靈事
當以朕意具言之沙主辛卯朝享
守將具儀遣兵圍抹燕龍堡部將
將辛丑更定保伍法癸卯始以公
州府府官兼提控丁未如春水庚
統軍判官完顏擱刺鞏州兵馬鈐
州守將會境上俄伏發為所襲木
死而擱刺馬陷淖中中流矢七斤
文以承而鑄言提刑改為按察司
輕非便叅知政事賈鉉曰并察司

既差監察體訪復遣官
時即遣官與俱更不覆
刺史烏古論充州請贖
振肅蒲察五斤官皆從
東至河間以百姓飢輒
初甚悅大傳徒單克寧
權乞正專擅之罪詔杖
上思之由忝州都軍召
書省祖父母父母無人
風化雖舊有徒二年之
察之誠為繁冗請自今差監察
從之三月甲午尚書省奏商州
官與兵戰沒者又奏遷右
之明昌初五斤嘗為奉御出使山
提刑司開倉賑之還具以聞上
聖下始親大政不宜假近侍人
克寧又以為言乃罷之後
已亥知萬寧官甲辰尚
孫遠遊至經歲者其傷
大輕兵考前律再議以聞

已酉宋人攻靈壁南京按察使行部至縣匿民舍得免四
月丙辰宋人圍壽春壽春告急于亳同知防禦使賢聖奴
將步騎六百赴之乃退癸亥尚書省奏河南統軍司言統
軍使紇石烈子仁等遣嚴整閻忠周秀輩入襄陽規敵陰
事還言皇甫斌遣兵四萬規取鄧以我叛人田元為鄉導
三萬人規取唐以張真張勝為鄉導俱授統領官敢不敢
無備乃聚鄭汝陽翟之兵于昌武以南京副留守兼兵馬
副都總管紇石烈毅統之聚亳陳襄邑之兵于歸德以河
南路副統軍徒單鐸統之而自以所部兵駐汴及擬山東
東西路軍七千付統軍紇石烈執中駐大名河北東西路

軍萬七千七河南皆給以馬有老弱者易其人皆從之甲子宋人攻天水界乙丑入東柯谷部將劉鐸戰敗之丙寅詔平章政事僕散揆領行省于汴許以便軍從事升諸道統軍司爲兵馬都統府以山東東西路統軍使紇石烈執中爲山東西路兵馬都統使定海軍節度使副都統軍使完顏撒剌副之陝西統軍使充爲陝西五路兵馬都統使通遠軍節度使胡沙知臨洮府事石抹仲溫副之河南皆聽揆節制如故盡徵諸道籍兵辛未宋吳曦攻來遠鎮之蘭家嶺丙子詔內外職官納馬各有數丁丑宋人入新息內鄉又入泗州戊寅入褒信己卯入虹縣庚辰入潁上五

月壬午宋李葵圍壽州四後遣入新縣秦洗攻蔡州防禦使完顏佛住敗之又入金坑海口殺長山尉執二巡檢以去甲申太白晝見丙戌以宋畔盟出師告于天地太廟社稷丁亥親告于衍慶宮戊子平章政事僕散揆兼左副元帥陝西兵馬都統使充爲元帥右監軍知真定府事烏古論誼爲元帥左都監辛卯以征南詔中外賜唐州刺史吾古孫兀屯總押鄧州軍馬事完顏江山爵各二級蔡州防禦使完顏佛住爵一級餘賞賚有差又以非嚴整上變必爲所誤授整嵩州巡檢使賜爵八級錢二百萬上以宋兵方熾東北新調之兵未集河南之衆不足支命河北大名

北京天山之兵萬五千屯真定河間清獻等以爲應壬辰
諭尚書省今國家多故凡言軍國利害五品以上官以次
奏陳朕將親問之六品以下則具帖子以進癸巳山東路
災赦死罪已下以樞密副使完顏匡爲右副元帥宋田俊
邁攻宿州安國軍節度副使納蘭邦烈等出兵擊之邦烈
中流矢宋郭倬李汝翼以衆繼至遂圍宿州壬寅納蘭邦
烈等擊敗之俊邁退保于斡癸卯執俊邁于斡甲辰皇甫
斌攻唐州刺史吾古孫元屯拒之行省遣泌陽副巡檢納
合軍勝來援遂擊敗之庚戌太白經天六月辛亥朔左丞
僕散端以母憂罷平章政事揆報斬之捷并送所獲宋將

田俊邁至闕上降詔褒諭賜紇石烈貞納蘭邦烈史訖撻
等爵賞有差宋將李爽以兵圍壽州刺史徒單義拒守踰
月不能下壬子河南統軍判官乞住及買哥等以兵來援
義出兵應之爽大敗同知軍州事蒲烈古中流矢死乙卯
初置急遞鋪腰鈴轉遞日行三百里非軍期河防不許起
馬定軍前差發受贓罪除飛蝗入境雖不損苗稼亦坐罪
法丁巳詔彰德府宋韓侂胄祖琦墳毋得損壞仍禁樵採
庚申右翼都統完顏賽不敗宋曹統制于溱水辛酉詔有
司有宋宗族所居各具以聞長官常加提控壬戌平章政
事揆報壽州之捷戊辰詔升壽州爲防禦免今年租稅

諸科名錢釋死罪以下以徒單義為防禦使贈蒲烈古昭
勇大將軍賜錢三百貫官其子圖刺擢乞住同知昌武軍
節度使事買哥河南路統軍判官都統賽不副統蒲鮮萬
奴各進爵一級賜金幣有差辛未木星晝見至七月戊申
經天乙亥宋吳曦攻鹽川戍將完顏王喜敗之秋七月癸
未宋商榮復攻東海縣令完顏卞僧復敗之還中伏矢死
贈海州刺史以銀五百兩緡百疋給其家仍官其一子甲
申朝獻于衍慶宮丁亥勅翰林直學士陳大任妨本職專
修遼史甲子宋統制戚春以舟師攻邳州刺史完顏從正
敗之春赴水死斬其副夏統制吳曦兵五萬入秦州陝西

路都統副使承裕等敗之丙申夏國王李純佑廢姪安全
立遣使奉表來告詔禁賣馬外境但至界欲賣而為所
捕即論死八月庚戌山京師來報邳州之捷辛亥木星晨
見乙卯以羌酋青宜可為疊州副都總管己未太白晝見
丙寅左丞龔散端起復前職詔設平南諸將軍辛未宋程
松襲取方山原蒲察貞破走之壬申太白晝見經天甲戌
至自萬寧宮乙亥赦唐鄧穎蔡省四六州免來年租稅三
分之一九月己卯朔天壽節高麗遣使來賀辛巳元帥右
都監蒲察貞取和尚原臨洮蕃部遵寧獻芻粟戰馬以助
軍乙酉將五鼓北方有赤白氣數道起于王良之下行至

北斗開陽搖光之東丙戌幸香山庚寅勅行尚書省有方略出衆武藝絕倫才幹辦事工巧過人者其招選之甲午叅知政事賈鉉乞致政不許戊戌尚書左丞僕散端行省于汴己亥尚書戶部侍郎梁鏜行六部尚書事於山東辛丑遣尚書左司郎中溫迪罕思敬冊李安全爲夏國王甲辰宋兵驍將馮興楊雄李珪等入秦州陝西都統副使承裕等擊破之斬楊雄李珪冬十月戊申朔平章政事僕散揆督諸道兵伐宋庚戌揆以行省兵三萬出潁壽河南路統軍使紇石烈子仁以兵三萬出渦口元帥匡以兵二萬五千出唐鄧左監軍紇石烈執中以山東兵二萬出清口

右監軍充以關中兵一萬出陳倉右都監蒲察貞以岐隴兵一萬出成紀蜀漢路安撫使完顏綱以漢蕃步騎一萬出臨潼臨洮路兵馬都總管石抹仲溫以隴右步騎五千出鹽川隴州防禦使完顏璘以本部兵五千出來遠甲子獵于近郊十一月戊寅朔詔定諸州府物力差役式壬午完顏匡攻下棗陽乙酉詔屯四軍戶與所居民爲昏因者聽丁亥僕散揆克安豐軍取霍丘縣紇石烈執中克淮陰遂圍楚州己丑尚書省奏減朝官及承應人月俸折支錢庚寅完顏匡克光化軍及神馬坡壬辰僕散揆次廬江宋督視江淮兵馬事立宗遣劉祐來乞和紇石烈子仁克定

遠縣乙未完顏匡取隨州丙申紇石烈子仁克滁州戊戌
詔諸路行用小鈔完顏匡圍德安別以兵徇下安陸應城
雲夢孝感漢川荊山等縣庚子日斜有流星二光芒如炬
幾及一丈起東北沒東南初定茶禁完顏綱圍祐州降之
宋丘密遣林拱持書乞和辛丑完顏匡攻襄陽破其外城
僕散揆克含山蒲察貞克天水紇石烈子仁徇下來安全
椒二縣壬寅完顏綱徇下蕩川閬川等城癸卯立密復遣
宋顯等以書幣乞和乙巳完顏綱克宕昌丙午蒲察貞克
西和州十二月丁未朔完顏匡克宜城僕散揆攻和州史
訖搭中流矢死壬子完顏綱次大潭縣降之蒲察貞克成
州癸丑宗太尉昭信軍節度使四川宣撫副使吳曦納款
于完顏綱戊午右監軍克攻下大散關己未紇石烈子仁
克真州立密復遣陳璧等奉書乞和辛酉右監軍克遣兀
顏抄合以兵趣鳳州城潰入焉完顏綱遣京兆錄事張仔
會吳曦于興州之置口曦具言所以歸朝之意仔請以告
身為報盡出以付之仍獻階州乙丑初設都提控急遞鋪
官平章政事僕散揆班師完顏綱以朝命假太倉使馬良
顯齎詔書金印立吳曦為蜀王戊辰蒲察貞以西和天水
等捷來報完顏匡進所掠女子百人己巳曦遣其果州團
練使郭澄提舉仙人關使任辛奉表及蜀地圖志吳氏譜

牒來上壬申詔完顏匡權尚書右丞行省事右副元帥如故以紇石烈執中縱下虜掠遣近臣杖其經歷阿里不孫等仍詔放還所掠

七年春正月丁丑朔高麗夏遣使來賀完顏匡進攻襄陽戊寅勅宰臣舉材幹官同議南征事辛巳詔御史大夫崇肅同判大睦親府事徒單懷忠吏部尚書范楫戶部尚書高汝礪禮部尚書張行簡知大興府事溫過罕思齊等十有四人同對于慶和殿壬午詔官及前十四人同對于廣仁殿甲申朝獻于衍慶宮乙酉贈故壽州死節軍士魏全宣武將軍蒙城令封其妻鄉君子煥年十五收充貧石正班局分承應仍賜錢百萬初李

爽圍壽州刺史義募人往斫敵營全在選中而為敵所執敵令罵義則免全陽許反至城下反罵敵遂殺之至死罵不絕聲故有是恩戊子召完顏綱赴闕庚寅僕散揆還駐下蔡而病丙申以左丞相浩兼都元帥行省于南京以代揆己亥有司奏更定茶禁辛丑完顏匡取穀城二月丙辰赦鳳成西和階山五州丁巳詔追復永中永蹈王爵宋知樞密院張巖遣方信孺以書請平章政事揆左丞端乞和己未獵于近郊完顏匡克荆門軍癸亥如建春宮吳曦遣使奉三表來謝封魯陳誓言賀全蜀內附丙寅還宮戊辰平章政事兼左副元帥僕散揆薨于軍癸酉遣同知府

事木虎高琪等冊吳曦為蜀國王判平陽府事衛王永濟
改武定軍節度使兼奉聖州管内觀察使是月蜀國王吳
曦為宋臣安丙所殺三月戊子幸太極宮庚寅詔撫諭陝
西軍士壬辰初定蟲蝻生發地主及隣主首不申之罪宋
復攻破階州癸巳復攻破西和州乙未宣撫副使完顏綱
至鳳翔詔徹五州之兵分保要害綱召諸軍還庚子以完
顏匡為左副元帥壬寅如萬寧宮甲辰幸西園夏四月壬
子遣宮籍副監楊序為橫賜高麗王使癸丑宋人攻破散
關鞏州鈐轄兀顏阿失死之丙辰以石烈子仁為右副
元帥戊辰詔元帥府分遣諸將遊奕淮南諸州癸酉復下

散關五月己卯幸東園射柳己丑幸玉泉山丙申宋知樞
密院事張巖復遣方信孺以書至都元帥府增歲幣乞和
四川安撫使安丙遣四和州安撫使李孝義率步騎三萬
攻秦州圍皂角堡木虎高琪以兵赴之七戰而解其圍是
月放宮女二十人六月乙巳朔詔朝官六品外官五品以
上及親王舉通錢穀官一人不孝者罰奉不嘗者論如律
己酉以山東盜制同黨能自殺捕出首官賞法戊午烏古
論誼為元帥左監軍完顏撒剌為元帥左都監乙丑遣使
捕蝗秋七月庚辰朝獻于衍慶宮壬午詔民間交易典贖
一貫以上並用交鈔毋用錢乙酉勅尚書省自今初受監

察者令進利害帖子以待召見甲午左副元帥匡至自許
州乙未詔覈西夏人口盡贖放還敢有藏匿者以違制論
八月戊申宋張巖復遣方信孺齎其主誓書其來乞和夷
戍割汝州襄城縣于許州戊辰至自萬寧宮九月甲戌朔
天壽節高麗夏遣使來賀左丞相兼都元帥崇浩薨于軍
甲申定西北京遼東監司判官諸場管句增虧升降格以
尚書左丞僕散端爲平章政事封中國公左副元帥完顏
匡爲平章政事兼左副元帥封定國公丙戌備于近郊壬
辰還宮戊戌更定受制志誤及誤寫制書事重加等罪壬
寅勅女直人不得改爲漢姓及李南人裝束冬十月甲辰

詔應禳之家旁正廡足其正廡者不出官而亡許禳一
人辛亥以武庫令木甲法心爲高麗生日使丙辰備于近
郊己巳詔定隨軍遷賞格辛未陝西宣撫使徒單磁分遣
副統把回海攻下蘇嶺閔是月定南征將士功賞格十一
月癸酉詔新定學令內削去薛居正五代史止用歐陽脩
所撰是日都統押剌拔鶻嶺閔新道口副統回海取小湖
關敖倉進至營口鎮遂取其城丙子宋韓侂胄遣左司郎
中王楠以書來乞和請稱伯復增歲幣犒軍錢誅蘇師旦
函首以獻丙戌上聞陝州防禦使紇石烈亨孫禁民糶命
尚書省罪之壬辰宋叅知政事錢象祖以誅韓侂胄移書

行省甲午獵于近郊戊戌參知政事賈鉉罷詔完顏匡檄
宋函侂冑首以贖淮南故地十二月壬寅朔遼史成丙午
以符寶郎烏古論福齡為夏國生日使丙午詔策論進士
免試弓箭擊毬庚申以尚書右丞孫即康為左丞參知政
事獨吉思忠為右丞中都路都轉運使孫鐸為參知政事
八年春正月辛未朔高麗夏遣使來賀壬申朝謁于衍慶
宮癸酉收毀大鈔行小鈔以元帥左都監完顏撒剌為參
知政事乙亥宋安丙遣兵襲鴈嶺閔副統把回海完顏摠
刺擊走之斬其將景統領丙子左司郎中劉昂通州刺史
史肅監察御史王宇吏部主事曹元吏部員外郎徒單永

原太倉使馬良顯順州刺史唐括直思白坐與蒲陰令大
中私議朝政皆杖之癸未如春水丙辰如光春宮二月乙
巳宋參知政事錢象祖遣王繼來以書上行省復請川陝
關隘甲寅如建春宮庚申有司曰方農作時雖在禁地
亦令耕種己巳還宮三月丁亥幸瀛王第視疾庚寅以與
宋和諭尚書省壬辰帝上表謝罪甲午瀛王從憲薨乙
未上親臨祭夏四月癸卯日暈三重皆內黃外赤戊申梯
于太廟庚戌如萬寧宮甲寅以北邊無事勅尚書省命東
北路招討司還治泰州歲暮即度使其副招討仍置千邊
詔諭有司以苗稼方興宜遣官分道巡行農事以備蟲

輔詔更定猛安謀克承襲法格宋錢象祖復遣王栴以
書上行省庚申詔諸路按察司歲賜公用錢閏月辛未諭
尚書省曰翰林侍講學士滿察畏也言使宋官當選人其
言甚當彼通謝使雖夫到闕其報聘人當先議擇此乃更
始凡有禮數皆在奉使今既行之遂爲永例不可不慎也
甲戌制諸州府司縣造作不得役諸色人匠違者準私役
之律計備以受所監臨財物論甲申定承應人收補年甲
格甲午兩電定保甲軍殺獲南軍官賞乙未宋獻韓侂胄
等首于元帥府五月丁未御應天門備黃麾立仗親王文
武合班起居中路兵馬提控平南撫軍上將軍紇石烈泉

以宋賊臣韓侂胄蘇師旦首獻并奉元帥府露布以聞
其首并畫像于市以露布頒中外丙辰平章政事呂至自
軍己未更元帥府爲樞密院癸亥詔移天壽節於十月十
五日丁卯遣使分路捕蝗六月癸酉宋通謝使朝議大夫
試禮部尚書許奕福州觀察使右武衛上將軍吳衡等奉
其主書入見甲戌謁謝于衍慶宮癸未以許宋平詔中外
免河南山東陝西等六路今年夏稅河東河北大名等五
路半之丁亥以元帥左都監烏古論誼爲御史大夫戊子
飛蝗入京畿乙未定服飾明金象金制丁酉以副都點檢
完顏侃爲宋諭成使禮部侍郎喬宇副之秋七月戊戌朔

太白晝見庚子詔更定蝗蟲生發坐罪法乙巳朝獻于衍慶宮詔頒捕蝗圖于中外戊申宋使朝辭致荅通謝書及誓書于宋主八月壬申更定遼東行使鈔法癸酉如建春宮己丑以戶部尚書高汝礪等爲宋生日使庚寅如秋山九月甲子遣吏部尚書賈守謙等一十三人與各路按察司官推排民戶物力乙丑至自秋山冬十月辛未以吏部郎中郭鄂爲高麗生日使辛巳宋高麗夏遣使來賀夏國有兵遣使來告癸未更定安泊強竊盜罪格辛卯以軍民共譽爲廉能官條附善最法十一月丁酉朔詔諸路按察使並兼轉運使初設三司使掌判鹽鐵度支勸農事以樞密使紇石烈子仁兼三司使癸卯詔戒諭尚書省曰國家之治在於紀綱紀綱所先賞罰必信今殫上自省部之重下逮司縣之間律度弗循私懷自便遷延曠歲苟且成風習此爲恒從何致理朝廷者百官之本京師者諸夏之儀其勗自今各懲已往遵繩奉法竭力赴功無枉撓以循情無依違而避勢壹歸于正用範乃民是日御臨武殿試護衛丁未勅諭臨漢秦州路兵馬都總管承裔等修邊備乙卯上不豫丙辰崩于福安殿年四十一大安元年春正月謚曰憲天光運仁文義武神聖英孝皇帝廟號章宗二月甲申葬道陵

贊曰章宗在位二十年承世宗治平日久宇內小康乃正
禮樂修刑法定官制典章文物粲然成一代治規又數問
群臣漢宣綜核名實唐代考課之法蓋欲跨遼宋而比跡
於漢唐亦可謂有志於治者矣然婢寵擅朝冢嗣未立疏
忌宗室而傳授非人向之所謂維持鞏固於久遠者徒爲
文具而不得爲後世子孫一日之用金源氏從此衰矣昔
揚雄氏有云秦之有司負秦之法度秦之法度負聖人之
法度蓋有以夫

本紀第十二

本紀第十三

金史十三

開府儀同三司上柱國錄軍國重事前中書右丞相

國

經筵講官總裁臣脫脫

奉

勅修

衛紹王

衛紹王諱永濟小字興勝更諱允濟章宗時避顯宗諱詔
改允爲永世宗第七子母曰元妃李氏衛王長身美髯鬚
天資儉約不好華飾大定十一年封薛王是歲進封滕王
十七年授世襲猛安二十五年加開府儀同三司二十六
年爲秘書監明年轉刑部尚書又明年改殿前都點檢二
十九年世宗崩章宗即位進封路王起復判安武軍節度

使五月至冀州以到任表謝賜詔優答明昌二年進封韓
王四年改判興平軍五年改沁南軍承安二年改封衛王
三年改昭義軍泰和元年改判彰德府事五年改判平陽
府初章宗誅鄭王永蹈趙王永中久頗悔之七年下詔追
復舊封仍賜謚而永蹈無後乃以衛王子按陳爲鄭王後
賜衛王詔曰朕念鄭王自棄天常以干國憲葉瘞曠野忽
諸不祀歷歲既久深用愴然親親之情有懷難置已詔追
復舊爵改葬如儀稽考古禮以卿之子按陳爲鄭王後謹
其祭祀卿其悉之已而改武定軍節度使八年十一月自
武定軍入朝是時章宗已感嗽疾衛王且辭行而章宗意

留之章宗初年雅愛諸王置王傅府尉官以傳導德義及
永中永蹈之誅由是疏忌宗室遂以王傅府尉檢制王家
苛問嚴密門戶出入皆有籍而衛王乃永蹈母弟柔弱鮮
智能故章宗愛之既無繼嗣而諸叔兄弟多在章宗皆不
肯立惟欲立衛王故於辭行留之無何章宗大漸元妃李
氏黃門李新喜平章政事完顏匡定策章宗崩匡等傳遺
詔立衛王衛王固讓乃承詔舉哀即皇帝位于柩前明日
羣臣朝見于大安殿詔路府州縣爲大行皇帝服七日
大安元年正月辛丑飛星如火起天市垣有尾跡若赤龍
壬戌改元大赦立元妃徒單氏爲皇后二月乙丑朔太白

書見經天壬辰章宗內人范氏損其遺腹以詔內外初章宗遺詔內人有娠者兩人生男則立為儲貳至是平章政事僕散端等奏承御賈氏當以十一月免乳今則已出三月范氏產期合在正月醫稱胎氣有損用藥調治脉息雖和胎形已失范氏願削髮為尼封皇子六人為王三月甲辰道陵禮成大赦詔曰自今於朕名不連續及昶詠等字不須別改以平章政事僕散端為右丞相四月庚辰殺章宗元妃李氏及承御賈氏以平章政事完顏匡為尚書令五月高麗賀即位試宏詞科七月幸海王莊臨奠魯國公主八月萬秋節宋遣使來賀九月如大房山謁奠睿陵裕

陵道陵百官表請建儲不允十月歲星犯左執法己卯詔戒勵風俗十一月平陽地震有聲如雷自西北來十二月詔平陽地震人戶三人死者免租稅一年二人及傷者免一年貧民死者給葬錢五千傷者三千尚書令申王完顏匡薨右丞相僕散端為左丞相進封兄越王永功為譙王御史大夫張行簡為太保

二年正月庚戌朔日中有流星出大如盆其色碧向西行漸如車輪尾長數丈没于濁中至地復起光散如火二月客星入紫微垣光散為赤龍地大震有聲如雷以禮部侍郎耿端義為叅知政事四月校大金儀禮北方有黑氣如

大道東西亘天徐州河清五百餘里以告宗廟社稷五
月詔儒臣編續資治通鑑六月大旱下詔罪已振貧民關
食者曲赦西京太原兩路雜犯死罪減一等徒以下免丙
寅地震七月地震八月地震乙丑立子胙王從恪爲皇太
子萬秋節宋遣使來賀獵于近郊夏人侵葭州九月地大
震乙未詔求直言招勇敢撫流亡庚子遣使慰撫宣德行
省軍士丙午京師戒嚴上日出巡撫百官請視朝不允辛
亥宣德行省罷癸丑詔撫諭中都西京清倉被兵民戶十
一月獵于近郊中都大悲閣東渠內火自出逾旬乃滅閣
南剝竿下石礮中火自出人近之即滅俄復出如是者復

旬日中都火燼民居十二月辛酉朔日有食之是歲大饑
禁百姓不得傳說邊事

三年正月乙酉朔宋高麗遣使來賀癸亥入武中二月
災惑犯房宿有大風從北來發屋折木通玄門重閉折東
華門重閉折閏月災惑犯鏡閉星三月大悲閣災延及民
居有黑氣起北方廣長若大堤內有三白氣貫之如龍虎
狀括民間馬令職官出馬有差四月我
大元

太祖法天啓運聖武皇帝來征遣西北路招討使粘合合
打乞和平章政事獨吉罕家奴叅知政事胡沙行省事備

邊西京留守紇石烈胡沙虎行樞密院事參知政事與忠孝為尚書右丞戶部尚書梁瑄為參知政事六月壬寅更定軍前賞罰格八月詔獎諭行省官慰撫軍士千家奴胡沙自撫州退軍駐于宣平河南大名路軍逃歸下詔招撫之九月千家奴胡沙敗績于會河堡居庸關失守禁勇子不得輒出中都城門

大元前軍至中都中都戒嚴參知政事梁瑄鎮撫京城十月每夜初更正東西北天明如月初出經月乃滅發惑犯壘壁陣上京留守徒單鑑遣同知烏古孫兀屯將兵二萬衛中都美州別史木虎高琪屯通玄門外上巡撫諸軍罷

宣德行省十一月殺河南陳言人郝贊以上京留守徒單鑑為右丞相簽中都在城軍紇石烈胡沙虎棄西京走還京師即以爲右副元帥權尚書左丞是時德興府弘州昌平懷來縉山豐潤密雲撫寧集寧東過平滌南至清滄由臨潢過遼河西南至忻代皆歸

大元初徒單鑑請徙桓昌撫百姓入內地上信梁瑄議以責鑑曰是自處境上也及

大元已定三州上悔之至是鑑復請置行省事于東京備不虞上不悅曰無故遣大臣動搖人心未幾東京不守上乃大悔右副元帥胡沙虎請兵二萬屯宣德詔與三千人

屯嬭川平章政事千家奴叅知政事胡沙坐覆全軍千家
奴除名胡沙責授咸平路兵馬總管萬戶瓜頭屯古北口
十二月發陝西兩路漢軍五千人赴中都太保張行簡左
丞相僕散端宿禁中議軍事左丞相僕散端罷

崇慶元年正月朔改元赦宋夏遣使來賀右副元帥胡沙
虎請退軍屯南口詔數其罪免之三月大旱遣使冊李遵
頊爲夏國王以御史大夫福丹爲叅知政事叅知政事孟
鑄爲御史大夫夏人犯葭州延安路兵馬總管完顏奴婢
禦之五月發陝西勇敢軍二萬人射糧軍一萬人赴中都
括陝西馬武安軍節度使致仕賈鉉起復叅知政事叅知

政事福興爲尚書左丞詔賈竇名勅牒河東陝西大饑
米錢數千流華蒲野以南京留守僕散端爲河南陝西安
撫使提控軍馬七月有風自東來吹帛一段高數十丈地
動如龍形墜於拱辰門八月萬秋節以兵事不設宴十月
由赦西京遼東北京十一月振河東南路南京路陝西東
路山東西路衛州旱災十二月夏國王李遵頊謝封冊
至寧元年正月振河東陝西饑二月詔撫諭遼東知大名
府事烏古論誼謀不軌伏誅三月太陰太白與日並見相
去尺餘五月改元詔諭咸平路劫丹部人之嘯聚者起胡
沙虎復爲右副元帥領武衛軍三千人屯通玄門外陝西

大旱六月夏人犯保安州殺刺史犯慶陽府殺同知府事
以戶部尚書屠鼎刑部尚書王維為叅知政事八月尚書
左丞完顏元奴將兵備邊詔軍官軍士賜賚有差大霧晝
晦治中福海別將兵屯城北辛卯胡沙虎矯詔以誅反者
招福海執而殺之奪其兵壬辰自通玄門入殺知大興府
徒單南平刑部侍郎徒單沒撚於廣陽門西福海勇符寶
鄴陽都統石古乃率眾拒戰死之胡沙虎叩東華門遣人
呼呼直親軍百戶冬兒五十戶蒲察六斤不應許以世襲
猛安三品官職亦不應都點檢徒單渭河總而出護衛斜
烈倍鏃斂胡沙虎以兵入宮盡逐衛士代以其黨自稱

監國都元帥癸巳逼上出宮以素車載至故邸以武衛軍

二百人錮守之尚宮左夫人鄭氏為內職掌寶璽聞難端

居璽所待變胡沙虎遣黃門入收璽鄭曰璽天子所用胡

沙虎人臣取將何為黃門曰今天時大變主上猶且不保

况璽乎御侍當思自脫計鄭厲聲罵曰若輩官中近侍恩

遇尤隆君難不以死報之反為逆豎奪璽耶我死可必璽

必不與遂瞑目不語黃門出胡沙虎卒取宣命之寶偽除

其黨醜奴為德州防禦使烏古論奪刺順天軍節度使提

控宿直將軍徒單金壽永定軍節度使及其餘黨凡數十

人皆遷官遂使宦者李思中害上於邸誘奉御和尚使作

書急召其父左丞元妃議事元妃以軍來并其子皆殺之
九月甲辰宣宗即位丁未詣邸臨奠伏哭盡哀勅以禮改
葬胡沙虎請廢為庶人詔百官議于朝堂議者二百餘人
太子少傅奧屯忠孝侍讀學士蒲察思忠請從廢黜戶部
尚書武都拾遺田庭芳等三十人請降為王侯太子太保
張行簡請用漢昌邑王晉海西公故事侍御史完顏訛出
等十人請降復王封胡沙虎固執前議宣宗不得已乃降
封東海郡侯昭雪道陵元妃李氏承御賈氏十月辛亥元
帥右監軍木虎高琪殺胡沙虎于其第胡沙虎者統石烈
執中也宣宗乃下詔削其官爵贈石古乃順州刺史鄯陽

順天軍節度使凡從二人拒戰者千戶賞錢五百貫謀克
三自貫蒲鞏散軍二百貫各遷官兩階戰沒者贈賞付其
家冬兒加龍虎衛上將軍再遷宿直將軍蒲察六斤加定
遠大將軍武衛軍餘轄石古乃子尚幼給俸八貫石勅有
司侯其年十五以聞貞祐四年詔追復衛王謚曰紹
贊曰衛紹王政亂於內兵敗於外其滅亡已有徵矣身弑
國廢記注亡失南遷後不復紀載

皇朝中統三年翰林學士承旨王鶚有志論著求六安崇
慶事不可得求摺當時詔令故金部令史竇祥年八十九
耳目聰明能記憶舊事從之得二十餘條司天提點張正

之寫其十六條張承吉家于大載舊事五條金禮部尚
書楊雲翼日錄四十條東老日錄三十條藏在史館條件
雖多重複者二之二惟所載李妃完顏匡定策獨吉千家
奴兵敗統石烈執中作難及日食星變地震氛祲不相背
蓋其校其重出刑其繁雜章宗實錄詳其前事宣宗實錄
詳其後事又於金掌奏日女官大明居士王氏所紀得英
明夫人援轡一事附著于篇亦可以存其梗槩云爾

本紀第十三

本紀第十四

金史十四

開府儀同三司柱國錄軍國書省丞相樞密院副都統兼領經筵事都總管臣胎脫奉

勅修

宣宗上

宣宗繼天興統述道勤仁英武聖孝皇帝諱珣本名吾睹
補顯宗長子母曰昭華劉氏大定三年癸未歲生世宗養
于宮中十八年封溫國公加特進二十六年賜今名二十
九年進封豐王加開府儀同三司累判兵吏部又判永定
彰德等軍承安元年進封翼王泰和五年改賜名從嘉八
年進封邢王又封昇王所至著祥異至寧元年八月衛紹

本紀

黃道刊

王被弑徒單銘等迎于彰德府既至京親王百官上表勸
進甲辰即皇帝位於大安殿以紇石烈胡沙虎為太師尚
書令兼都元帥封澤王九月乙巳朔諭尚書省事有規畫
者皆即規畫悉依世宗所行行之丙午以駙馬雄名第賜
胡沙虎丁未諭宰臣曰朕即大位羣臣凡有所見各直言
勿隱臨奠于衛紹王第有司奏舊禮當設坐哭上命撤坐
代哭盡哀勅有司以禮改葬戊申御仁政殿視朝賜胡沙
虎坐胡沙虎不辭辛亥封皇子守禮為遂王守純為濛王
皇女溫國公主夔王永升薨上親臨奠
大元遣乙里只來壬子改元貞祐大赦恩賚中外臣民有

差丙辰左諫議大夫張行信上章言崇節儉廣聽納明賞
罰三事尚書右丞相徒單鎰進左丞相封廣平郡王庚申
澤王胡沙虎等議廢故衛王為庶人上曰朕徐思之以諭
卿等壬戌授胡沙虎中都路和魯忽土世龍猛安丙寅詔
諭六品以下官事有可言者言之無隱閏月戊辰朔拜日
于仁政殿自是每月吉為常授尚書左丞相徒單鎰中都
路迭魯猛安庚午上復舊名珣詔所司告天地廟社前所
更名二字自今不須迴避辛未詔追尊皇妣為皇太后是
日皇妃皇子至自彰德府遣使使宋己卯左諫議大夫張
行信上疏請立皇太子甲申立子守忠為皇太子丙戌詔

降故衛王為東海郡侯甲午減定監察御史為十二負冬
十月丁酉朔京師戒嚴辛丑

大元乙里只來乙巳詔應遷加官賞諸色人與本朝人一
體庚戌勅有司皇太子冊禮俟邊事息然後舉行辛亥元
帥右監軍木虎高琪戰于城北凡兩敗績而歸就以兵殺
胡沙虎于其第持其首詣闕待罪赦之仍授左副元帥士
子殿前都點檢紇石烈特末也等補外張行信上封事言
正刑賞擇將帥及鄴陽石古乃之寃

大元兵下涿州設京城鎮撫彈壓官置招賢所癸亥放宮
女百三十人十一月戊辰夏人攻會州徒單醜兒出兵擊

走之庚午將乞和于

大元詔百官議于尚書省以精海軍節度使承暉為尚書
右丞耿端義為參知政事癸未詔贈死事裴滿福興及鄴
陽石古乃官

大元兵徇觀州刺史高守約死之又徇河間府滄州乙未
定亡失告身文憑格十二月丁酉朔上御應天門詔諭軍
士仍出銀以賜之平章政事徒單公弼進尚書右丞相尚
書右丞承暉進都元帥兼平章政事左副元帥木虎高琪
進平章政事兼前職

二年春正月丁卯朔以邊事未息詔免朝賀辛未

大元兵徇彰德府知府事黃擱九住死之宋人攻秦州統
軍使石抹仲溫擊却之癸未有司奏請權止今年禘享朝
獻原廟及皇太后冊禮從之乙酉徵虜士王澮不至

大元兵徇益都府命有司復議本朝德運乙未

大元兵徇懷州沁南軍節度使宋宸死之二月丙申朔壬

子

大元乙里只扎八來丙辰罷按察司壬戌

大元乙里只復來三月辛未遣承暉詣

大元請和丁丑赦國內癸未京師大括粟甲申

大元乙里只扎八來詔百官議于尚書省戊子以濮王守

純爲顯前都點檢兼侍衛親軍都指揮使權都元帥府事

庚寅奉衛紹王公主歸于

大元

太祖皇帝是爲公主皇后辛卯詔許諸人納粟買官京師

戒嚴上辰

大元兵下嵐州鎮西軍節度使烏古論仲溫死之夏四月

乙未朔以知大興府事胥鼎爲尚書右丞戊戌奉遷昭聖

皇后柩于新寺時山東河北諸郡失守惟真定清沃大名

東平徐邳海數城僅存而已河東州縣亦多殘燬兵退命

僕散安貞等爲諸路宣撫使安集遺黎至是以

大元允和議大赦國內癸卯權厝昭聖皇后于新寺甲辰
詔有司具陣亡人子孫以備錄用丁未以都元帥承暉為
平章政事庚戌左丞相監修國史廣平郡王徒單鑑薨乙
卯尚書省奏巡幸南京詔從之己未葬衛紹王五月癸酉
承暉加金紫光祿大夫封定國公尚書左丞抹撚盡忠加
崇進封申國公甲戌霍王從彝薨乙亥輟朝上決意南遷
詔告國內大學生趙昉等上章極論和害以大計已定不
能中止皆懇論而遣之請原廟奉辭戊寅將發雨不果行
以南京留守僕散端等嘗請臨幸及行先詔諭之辛巳詔
遷衛紹王家屬于鄭州壬午車駕發中都是日雨至

甲申止丙戌次定興禁有司扈從踐蹂民田丁亥次安肅
州元帥右監軍完顏弼以兵迎見癸巳次中山府勅扈從
軍所踐禾稼討直剛之六月甲午朔以按察轉運使高汝
礪為參知政事癸丑次內丘縣

大元乙里只來戊午次彰德府曲赦其境內庚申次鉅橋
鎮是日南京行宮寶鎮閣災壬戌次宜村黃龍見西北秋
七月車駕至南京詔立元妃溫敦氏為皇后八月甲午以
立后百官上表稱賀庚子皇太子至自中都丁未夏人入
邊命移文責之甲寅罷經略司應奉翰林文字完顏素闌
上書言事九月壬戌朔日有食之皇孫生癸亥山東路報

萊州之捷辛未立監察御史陞熊格庚辰詔訓練軍士丁亥諭宣徽院正旦生辰不須進物太白晝見于軫戊子禁軍官圍獵冬十月甲午詔遣官市木波西羌馬陝西軍戶戰死者給糧贍其家丁酉

大元兵徇順州勸農使王晦死之壬寅左副元帥兼尚書左丞抹撚盡忠進平章政事以御史中丞李术魯德裕爲參知政事兼簽樞密院事曲赦中都路乙卯遣參知政事李术魯德裕行尚書省于大名府丙辰

大元兵收成州諭大名行省貶損用度德州防禦使完顏醜奴伏誅十一月丁卯以御史大夫僕散端爲尚書左丞

相曲赦山東路辛未詔賜衛紹王家屬既稟詔有司答夏國牒丙子許諸色人試武舉蘭州譯人程陳僧叛西結夏人爲援辛巳焚感化房宿鈎鈴星癸未曲赦遼東路勅罷宣撫司輒擬官十二月戊戌遣真定行元帥府事永錫等援中都頒勸農詔丁未以和議既定聽民南渡乙卯登州刺史耿格伏誅流其妻孥

大元兵徇懿州節度使高問山死之

三年春正月辛酉朔宋遣使來賀壬戌遣內侍諭永錫防邊毋以和議爲辭癸亥曲宴群臣宋使定文武五品以上侍坐員遂爲常制乙丑詔宣撫阿海總管合住討賊劉二

祖張汝楫戊辰尚書省言內外軍人入粟補官者多行伍
浸虛請俟平定應監差者與三酬門戶有職事者陞一等
其子弟應蔭者罷之上可其奏乙亥夏人犯環州北京軍
亂殺宣撫使與屯襄丁丑右副元帥蒲察七斤以其軍降
於

大元辛巳皇太子疾輟朝乙酉皇太子薨二月辛卯環州
刺史烏古論延壽及斜卯毛良虎等敗夏人于州境詔進
官有差

大元乙里只來壬辰上臨奠皇太子殯所有司奏辰日不
哭上曰父子至親何可拘忌命御史中丞李英元帥左都

監烏古論慶壽領兵護饑中都付以空名宣勅許視功
叙還撓者治以軍律乙未改寧邊州隸嵐州丁酉詔諸色
人遷官並視女直人有司安生分別以違制論從戶部郎
中與屯阿虎請也辛丑勅宰臣饋乙里只酒饌壬寅頒獎
諭官吏軍民詔曲赦招撫北京作亂者丙午尚書省以南
遷後吏部秋冬置選南京春夏置選中都赴調者不便請
併選於南京從之武清縣巡檢梁佐柳口巡檢李咬住以
誅亂賊張暉劉永昌等功進官有差皆賜姓完顏丁未山
東宣撫使僕散安貞遣提控僕散留家等破賊楊安兒安
騎三萬殲其衆降偽頭目三百餘人脅從民三萬餘戶戊

申減沿邊州府官資考有差壬子立保城無虞及捕獲姦
叛遷賞格乙卯初奏急事不拘假日丁巳日初出赤如血
欲沒復然戊午大風隆德殿鴟尾壞三月壬戌詔河北州
縣官令文武五品以上辟舉不聽以它事差占仍勒終任
有勞績者但升遷領之職應降罰者亦止本處居住時河
北殘燬吏治多苟且以求代易故著是令癸亥詔百官各
陳防邊利害封章以聞丙寅勅河東河北大名長貳官訓
練隨處義兵鄰境有警責其揀拔降人自拔歸國者遷職
仍列其姓名以招諭來者沿河州縣官罷軟不勝職任者
汰去令五品已上官公舉仍許全季到部人內先擇能者

量緩急易之丁卯安武軍節度使張行信上書言急務四
事庚午諭遼東宣撫使蒲鮮萬奴選精銳屯潘州廣西以
俟進止壬申長春節宋遣使來賀戊寅諭尚書省嚴呈議
弛諸處碾磑以其水溉民田己卯雨自去冬不雨雪至是
始雨勸農事李華言河北州縣官吏多求河南差占以避
難宜發元任領戍兵有不可離則別注以往庚辰御史臺
言在京軍官及委差官易糧券例悉同征行乞減其給糧
密院委差有俸人吏非征行不必給皆從之勅尚書省入
粟補官者毋括其戶為軍有司議賞軍功毋有所沮格士
午山東宣撫司報大沫堙之捷夾谷石里哥及沒烈擒賊

渠劉二祖等斬之前後殪賊萬計而京軍民感其言撫諭
之己丑禁州器置刃於杖以決罪人前年京兆治中李友
直私逃華州結同知防禦使馮朝河州防禦判官郝遵甫
平涼府同知致仕楊庭秀永洛縣主簿宿徽等團集州民
號忠義扈駕都統府相與為亂殺其防禦判官完顏八斤
及城中女直人以書約都統楊瑋為府兵所得瑋諱之請
自效誘友直等執之麾所招千餘人納仗院諸城下時京
師道路隔絕安撫司以便宜族友直等至是以狀聞乃贖
八斤及被害官軍十餘人各一官贖錢二百貫夏四月癸
巳河東宣撫使晉鼎言利害十三事長勝軍都統楊瑋

誅丙申河南路蝗遣官分捕上諭宰臣曰朕在潛邸聞捕
蝗者止及道傍使者不見處即不加意當以此意戒之謹
叅知政事德升言舊制夏至後免朝四日一奏事上曰此
在平時可以方今多故勿謂朕勞遂云當免但使國事無
廢則善矣己亥曲赦山東路癸卯籍赴選監當官為軍之
已罷都南行尚書六部俟摯言九事曲赦蒲察七斤省後
之黨募能殺獲七斤者以其官官之丙午以調度不給凡
隨朝六品以下官及承應人罷其後已人力輸傭錢經兵
州府其吏減半司縣吏減三之一其餘除開封府南京轉
運司外例減三之一有祿官吏被差不出本境者並罷給

券出境者以其半給之修內司軍夫亦減其半丁未故皇
太子啓最賜謚曰莊獻戊申權葬迎朔門外詔自今策論
詞賦進士第一甲第一人特遷奉直大夫第二人以下經
義第一人並儒林郎第二甲以下微事郎同進士從事郎
經童將仕郎壬子文國公從厚薨詔遣使同山西宣撫司
選其民勇健者爲軍諭有司勿拒河北避兵之民所至加
存卹用山東西路宣撫副使完顏弼言招大沫堽渠賊孫
邦佐張汝楫以五品職下詔洧洗其罪乙卯詔檢覈朝廷
差遣官券曆無故稽留中道者罪之丙辰諭田琢留山西
流民少壯者充軍老幼者令就食於邢洛等州欽題河南

者聽上議遣親軍六千餘及所募二千七百人援中都宰
臣以爲行宮單弱親軍不可遣遂止五月庚申招撫山西
軍民仍降詔諭之是日中都破尚書右丞相兼都元帥定
國公承暉死之戶部尚書任天寵知大興府事高霖皆及
於難壬戌降空名宣勅紫衣師德號度牒以補軍儲辛未
立皇孫鏗爲皇太孫癸酉劉炳上書言十事辛巳上諭宰
臣多事之秋陳言者悉送省恐御等不暇朕於宮中置局
命方正官數員擇可取者付出施行何如宰臣請如聖諭
詔削納馬補官恩例戊子謀伐西夏遣大臣鎮撫京兆秋
七月戊午朔

大元兵收濟源縣已未徵弓箭于內外品官三品以上三副四品五品二副餘以等級徵之庚申置陳穎漕運提舉官以戶部勾當官往來督察有星如太白色青白有尾出紫微垣北極傍入貫索中上聞河北譏察官有要求民財始聽民渡河者避兵民至或餓死自溺特命御史臺體訪之又禁隨朝職官敘民碾磴以自營利詔河間孤城移其軍民就粟清州括民間驛付諸軍與馬參用辛酉議括官田及牧馬地以贍河北軍戶之徙河南者已爲民佃者俟穫畢日付之群臣迭言其不便遂寢癸亥詔河北郡縣軍須並減河南之半定尚書所造諸符樞密院鹿宣撫司魚

統軍司虎丙寅遣參知政事高汝礪往河南便宜措置糧儲制品官納弓箭之令丁憂致仕者免甲戌借平陽民租一年詔職官更兵亡失告身見任者保識即重給之妄冒者從詐僞法丙子尚書省奏給皇太孫歲賜錢上不從曰襁褓兒安所用之詔致仕官俸給比南征時減其半丁丑肅宗神主至自中都奉安于明俊殿戊寅月入畢宿中戊夜犯畢大星已卯明德皇后神主至自中都裁損宮中歲給有差甲申詔尚書省行六部太多其令各路運司兼之改交鈔名貞祐寶券八月戊子朔以陝西統軍使完顏合打簽樞密院事已丑制軍府庶事樞密院官須與經歷官

裁決經歷議是而院官不從許直以聞癸巳詔遣官體究
京西路新遷軍戶丙申諭尚書省職官犯罪大者即施行
之小者籍之事定始論其罪諭樞密院撤合輦所簽軍有
具戒僧人可罷遣之己亥詔武舉官非見任及己從軍者
隨處調赴京師別為一軍以備用被薦未授官者量才任
之庚子上慮平陽城大兵食不足議棄之宰臣持不可賞
前冀州教授粘割忒鄰集義兵出方略遇土寇兵後攝州
復立州治積芻糧招徠民戶至五萬置山東西路總管府
于歸德府及徐毫二州特遷三官升正五品職以太常卿
侯摯為參知政事行中書省于河北東西兩路太祖御容

至自西京奉安于啓慶宮甲辰置行樞密院于徐州歸德
府詔諸職官不拘何從出身其才可大用者尚書省具以
聞丙午山東西路宣撫使完顏弼表選授同知東平府事
張汝楫將謀復判密遣人招同知益都府事孫邦佐邦佐
斬其人馳報弼弼殺汝楫及其黨萬餘承制升邦佐德州
防禦使餘立功者賞有差上嘉弼功加崇進封密國公詔
獎諭之丁未詔近臣舉良將加孫邦佐昭毅大將軍泰定
軍節度使仍官其子戊申東平益都太原潞州置元帥府
大赦己酉監察御史許古獻恢復中都之策紅襖賊掠成
武宣撫副使顏盛天澤討走之斬首數百級進天澤一官

將校有功者命就遷賞命侯摯招邢州賊程邦傑以官不從則誘其黨圖之減戶部幹辦官四員及差委官有差壬子置行省于陝西乙卯增汾河關糴之法十取其八以抑販粟之弊仍嚴禁私渡增步軍萬人戍京以西四萬人戍京以東選陝西騎兵二千增京畿之衛諭陝西堅守延安臨洮環慶蘭會保安綏德平涼德順鎮戎涇原鄜坊邠寧乾耀等處要害分渭南州郡步兵屯平原令宣撫使治邠州副使治同州之澄城以統之更以步騎守汾渭諸津丙辰元帥左監軍兼知真定府事宋錫坐援中都失律削官爵杖之八十九月丁巳朔戶部侍郎奧屯阿虎言國家多

改職官往往不仕乞限以兩季違者勿復任用上嫌其太重命違限者止奪三官降職三等仍永不升注辛酉除各求錫特遷信武將軍息州刺史甲子諭宰臣汾淮塘路以南地曠授民業今爲豪猾據奪者其令有司察之丙寅樞密院言陝西河東出襲蕃部巡檢昨與出襲猛安謀克例罷其俸今邊事方急宜仍給之庶獲其用又西邊弓箭手尙才武出級獲功未推賞者令宣撫司覈實以聞從之丁外以秋稼未獲禁軍官團練詔授隱士王澹太中大夫右諫議大夫充遼東宣撫司參謀官戊辰遙授武寧軍節度副使徒單吾興告平章政事抹撚盡忠逆謀詔有司鞠之

設潼關提控總領軍馬等官辛未置河北東路行總管府
於原武陽武封丘陳留延津通許杞諸縣以治所徙軍戶
命司屬令和尚等護治華國公按春第上謂宰臣曰按春
所為不愼或至犯法令之則理所不容治之則失親親之
道但當設官以防之耳按春尋以不法請博州防禦使點
衛紹王母李氏光獻皇后尊謚神主在太廟畫像在衍慶
宮並遷出之陳州鎮防軍段仲連進羊三百詔遷三官命
右丞汝礪詣陳州規畫糧儲壬申以蘇門縣為輝州癸酉
朝謁世祖太祖御容于啓慶宮行獻身禮始用柴賜東水
昌姓為溫敦氏包世顯包兆直為烏古論氏魏令孤為和

速嘉氏何定為必蘭氏馬福德馬相壽為夾谷氏各遷一
官甲戌朝謁太宗熙宗御容行獻身禮詔開濟濟
曹廉諸州置連珠寨如衛州乙亥詔河北山東等路及平
涼慶陽臨洮府涇邠秦鞏德順諸州經兵四品以下職事
官並以二十月為滿募隨處主帥及官軍義軍將校有能
率衆復取中都者封王遷一品階授二品職能戰却敵善
誘降人取附都州縣者予本處長官散官隨職遷授餘州
縣流減二等紅襖賊周元兒陷深祁州東鹿安平撫愷等
將真定帥府以計破之斬元兒及殺其黨五百餘人丁丑
詔司縣官能募民進糧五十石以上減一資考萬石以上

遷一官減二資考一萬石以上遷一官升一等注見闕諸
色人以功賜國姓者能以千人敗敵三千人賜及總麻以
上親二千人以上賜及大功以上親千人以上賜止其家
庶長陝西宣撫司來上第五將城萬戶楊再興擊走夏人
之捷壬午以空名宣勅付陝西宣撫司凡夏人入寇有能
臨陣立功者五品以下並聽選授乙酉置大各府行總管
府于拓城縣以治所徙軍戶冬十月丙戌朔翰林侍讀李
壬權參知政事烏古論德并出爲集義軍節度使兼澤州
管内觀察使丁亥向書右丞汝礪言河北軍戶之徙河南
者宜以係官閒田及牧馬草地之可耕者賜之使自耕

食而罷其月報上從其請命右司諫馮開隨處被視人給
三十畝夏人入保安都統完顏國家奴破之攻延安成將
又敗之是日捷至戊子以御史丞徒單思忠爲參知政
事己丑平章抹撚盡忠下獄既久監察御史許古言盡忠
逮繫有司此必重罪而莫知其由甚駭衆聽乞遣公正重
臣鞫之如得其實明示罪自以厭中外之心書上不報庚
寅遂誅盡忠癸巳罪狀盡忠告中外詔樞密副使僕散安
貞行樞密院于徐州戊戌遼東宣撫司報敗留哥之捷甲
辰詔求廣平郡王承暉之後得其猶子慶亭縣丞永懷以
爲器物直長丙午夏人陷臨洮陝西宣撫副使完顏胡失

刺被執庚戌詔尚書左丞相僕散端兼都元帥行尚書省
于陝西辛亥蒙古綱奏昨被旨權山東路宣撫副使屯東
平行至徐北岸北兵已偏徐不可往詔樞密副使僕散安
貞權於沿河任使之壬子以同華舊屯陝西兵及河南所
移步騎舊隸陝州宣撫司者改隸陝西行省召中奉大夫
襲封衍聖公孔允措爲太常博士上初用允措於朝或言
宣聖墳廟在曲阜宜遣之奉祀旣而上念元措聖人之後
山東寇盜縱橫恐罹其害是使之奉祀而反絕之也故有
是命遼東賊蒲鮮萬奴僭號改元天泰十一月丙辰朔河
北行尚書省侯摯入見詔河北西路宣撫副使田琢自濟

徙其兵屯陝戊午樞密院進王世安取盱眙楚州之策遂
以世安爲招撫使與泗州元帥府所遣人同往淮南計度
其事戊辰夏人犯綏德之克我寨官軍敗之犯綏平又敗
之賞有功將士及來告捷者參知政事徒單思忠言今陳
言者多撥拾細故乞不送省止令近侍局度其可不發遣
上曰若爾是塞言路凡係國家者豈得不由尚書省乎庚
午上與尚書左丞汝礪商略遣官括田賜軍之利害汝礪
言不便者數端乃詔有司罷其令仍給軍糧之半其半給
請實之價壬申遣參知政事侯摯祭河神于宜村甲戌移
刺塔不也以軍萬人破夏人數萬於熟羊寨丙子詔市民

間輓車廩疾牝馬置群牧中以圖滋息知臨洮府陀滿胡
土門破夏人八萬於城下丁丑監察御史陳規劾參知政
事侯摯上不允所言而慰答之庚辰上謂宰臣曰朕恐括
地擾民罷其令矣官荒牧馬地軍戶願耕者聽已爲民承
種者勿效舊例點檢左右將軍近待局官護衛承應人秩
滿皆賜匹帛雖所司爲之製造然不免賦取於民近亦罷
之止給寶券至於朕所服御亦以官絲付太府監織之自
今勿復及民也

大元兵徇彰德府知府陀滿斜烈死之十二月乙酉朔徙
朔州民分屯嵐石隰絳解等州戊子以軍事免樞密院

齊從之臣又請以宣撫司空名宣勅二百道付之從權署
補仍以糧繼其軍食詔樞密措畫三月乙卯以將修太廟
遣李革奏告祖宗神主于明俊殿丁巳曲赦中都河北等
路議軍戶給地事乙丑延州刺史溫撒可喜上疏言皇太
子宜選正人爲師保丙寅長春節宋遣使來賀己巳以將
修社稷遣太子少保張行信預告滄州經略副使張文破
趙福復恩州丙子曲赦遼東路己卯處士王澮以右諫議
大夫復遷中奉大夫翰林學士仍賜詔褒諭庚辰復邢州
捷至夏四月己丑陝西行省來詳秦州官軍破妖賊趙用
劉高二之捷遣官鞫單州賊使等及傳之罪罷其城單

州之役癸巳張開奏復清州等一有一城詔遷官兩階賞
將士有差甲午改賜皇太子名守緒詔諭陝西路軍民丙
申河北行省侯摯言北商販粟渡河官遮糴其什八商遂
不行民饑益甚請罷其令從之河南陝西蝗丁酉太白晝
見于奎己亥夏人詭俄族都管汪三郎率其蕃戶來歸以
千羊進詔納之優給其直辛丑侯摯言紅襖賊掠臨沂費
縣之境官軍敗之獲其黨訊之知其渠賊郝定僭號署官
已陷滕充單諸州兼蕪新泰等十餘縣時道路不通宰臣
請諭摯為備仍詔樞密院招捕蔡息行元帥府兵拔木隄
關斬首千級甲辰有司言扶風郿縣有蟲傷麥五月癸丑
庚辰詔免逃戶租壬午言者請遣官劭農至秋成考其績
以甄賞宰臣言民恃農以生初不待勸但寬其力勿奪其
時而已遣官不過督州縣計頃畝嚴期會而已吏卒因為
姦利是乃妨農何名為勸上是其言不遣二月甲申朔日
有食之上不視朝詔皇太子控制樞密院事

大元兵圍太原乙酉以信武將軍宣撫副使來錫簽樞密
院事權尚書右丞皇太子既總樞務詔有司議典禮以金
鑄撫軍之寶授太子啓稟之際用之平章政事高琪表乞
致仕不允召樞密院官問所以備禦之策丁亥以河東南
路宣撫使胥鼎為樞密副使權尚書左丞行省于平陽鼎

方抗表求退詔勉諭就職因有是命行省左丞相僕散端
先亦告老遣太醫往鎮護視其疾戊子宰臣以皇太子既
立服御儀物悉與已受冊同今邊事未寧請少緩冊寶之
禮從之戊戌免親王公主長春節入賀致禮己亥

大元兵攻下霍山諸隘甲辰命參知政事李革為修奉太
廟使禮部尚書張行信提控修奉社稷權祔肅宗神主于
世祖室奉始祖以下神主于隨室祭器以瓦代銅獻官以
公服行事供張等物並從簡約庚戌詔凡死節之臣籍其
數立廟致祭壬子任國公瑋薨輟朝是月同知觀州軍州
事張開復河間府滄獻等州并屬縣十有三表請赦旁郡

朔禮官言太廟既定行都禮雖簡約惟以親行祔享為敬
請權不用鹵簿儀仗及宮縣樂舞從之山東行省上沂州
之捷甲寅鳳翔及華汝等州蝗辛酉以尚書右丞侯執行
省事于東平己巳古水遠鎮獲夏謀者陳岳等知夏人將圖
臨洮鞏州闕長安命陝西行省嚴為之備丙子上將以七
月行祔享禮慮時雨有妨詔改用十月夏人修來羌城界
河橋元帥右都監完顏賽不遣兵焚之俘馘甚多戊寅京
兆同華鄧裕汝亮
仲泗等州蝗六月戊子詔凡進奏帖及
中尚書省樞密院
應密大事私發視者絞誤者減二等
制書應密者如之
辰遼西偽瀛王張致遣完顏南合張

頑僧上表來歸詔授致特進行北京路元帥府事兼本路
 宣撫使南台同知北兵馬總管府頑僧同知廣寧府丙
 申木星晝見于奎百有一日乃伏癸卯詔有司祈雨丁未
 河南大蝗傷稼遣官分捕之罷河北諸路宣撫司更置
 經畧司壬子以旱詔參知政事李革審決京師冤獄秋七
 月癸丑朔昭義軍節度使心闕阿魯帶復威州及獲鹿縣
 飛蝗過京師甲寅山東行監賊郝定等至京師決誅乙
 卯以旱蝗詔中外已未勅減尚以數品及後宮歲給縑帛
 有差辛酉監察御史陳規上章陳八事閏月壬午朔日
 有食之辛卯復深州癸巳翰林學士完顏季迭進中興事

甲午命掌軍官舉奇才絕力之人提控都副統等官五
 舉其屬頒舉官賞罰格許功過相除品官及草澤人有才
 武者舉薦升降亦如之庚子詔河南陝西鎮防軍應廕及
 納粟補官者當役如舊以事定乃聽赴銓八月甲寅太子
 少保兼禮部尚書張行信定祔享親祀之儀以進上嘉納
 之三原縣僧廣惠進僧道納粟多寡與都副威儀及監寺
 等格從其言鬻之夏八入安塞堡元帥左監軍烏古論慶
 壽遣軍敗之壬戌賜張行信寶券二萬貫重幣十端旌其
 議禮之當乙亥詔論中都民命大名招撫使募人持詔以
 姓丙子

大元兵攻延安

卯夏人入結耶嘴川官軍擊走之九月

辛巳朔

大元兵攻防州

發樞密院事永錫為御史大夫領兵赴

陝西便宜從事

反

大元兵攻代州

石使與屯醜和尚戰沒以中尉衛完顏

奴禪等充賀宋

使冬十月己未親王百官奉迎祖宗

神主于太廟招射

生獵戶練習武藝知山徑者分屯陝號

要地命元帥左監

軍必蘭阿魯帶守潼關遙授知歸德府

事完顏仲元軍

大元兵攻潼關西安軍節度使泥危古蒲魯虎戰沒辛酉

親行祠享禮

甲子祠享禮成赦乙丑詔諭河南官吏軍

民以賞格募立功之士命參知政事徒單思忠提控鎮撫

京師移刺周刺阿不也開陝丙寅詔京師具防器械多

鑿坎穿築垣墻於隙地從衛紹及鎬馬王家臺于京師丁

卯以奉安社稷遣官預告戊辰命張行信攝太尉奉安社

稷禮樂咸綱其數詔吏禮兵工四部尚書董防城之役

大元兵徇汝州己巳汾河唯存通報小舟餘皆焚之庚午

詔宿糧州縣屯兵其簽民為兵者就署隊長以自防過河

南行省胥鼎遣潞州元帥左監軍必蘭阿魯帶以軍一萬

孟州經略使徒單百家以軍五千由便道濟河趨關陝自

本紀

將平陽精兵援京師命樞府督軍應之辛未置官領招賢
所事命內外官採訪有才識勇略能區畫防城者具以聞
得實超任仍賞舉主內負長才不爲人所知者聽赴招賢
所自陳壬申以龍虎衛上將軍裴滿羊哥知歸德府事行
樞密院事癸酉詔罷遣有司所拘民間輸稅車牛以運軍
上衣糧者甲戌諭附京民盡徙其芻糧入城官儲併運之
丙子行樞密院知河南府事完顏合打以徵兵失應坐誅
戶部郎中魏琦以沒王事官其子己卯議禁京師糜穀近
侍以寶券方行恐滯其用不果吏部令史韓希祖陳言嘗
以戰功致身者盡拘京師備用從之十一月庚辰朔增定

守禦官及軍人遷賞格在己詔上附京農民自撤其廬
壬午河東行省胥鼎入援京師用其言以知平陽府王質
權尤帥左監軍同知完顏僧家奴權右監軍代鎮河東拜
鼎爲尚書左丞兼樞密副使知歸德府完顏伯嘉簽樞密
院事以完顏合打伏誅詔中外乙酉尤帥右都監完顏賽
不來獻其提控石蓋合喜楊幹烈等大敗夏人于定西之
捷命行省視其功賞之

大元兵至沔池右副元帥蒲察阿里不孫軍潰而逃失其
所佩虎符丙戌前臨潢府推官權元帥右監軍完顏合達
率官軍老幼自北歸國升鎮南軍節度使進官三階詔出

公帑綿綃行有司償所括民服以衣軍者是夕月暈木星
木在奎月在壁巳丑定毀防城器具法辛卯詔立功五品
以上官賜饌御前六品以下官賜饌近侍局癸巳上諭皇
太子京城提控官有以文資充者彼豈知兵其遠易之甲
午放免諸職官廉從及諸司局射糧兵卒嘗選充軍者戊
戌勅諸州縣籍軍民以備土寇華州元帥府復潼關庚
子罷在京防城民軍遣御史陳規等充河南宣差安撫捕
盜官河南路統軍使紇石烈掃合以發兵後期坐誅甲辰
以尚書工部侍郎和尚等充賀宋正旦使丙午河南行樞
密院從垣言世族人道哥願隸行伍以自效上嘉其忠許

之內族承立進所獲馬馳上曰此軍士所得即以予之可
也朕安用哉因徧諭諸道將帥後勿復如是十二月辛亥
平章政事木虎高琪加崇進尚書右丞相參知政事李革
罷癸亥

大元兵攻平陽丙寅皇太子議伐西夏

大元兵徇大名府壬申

大元兵進自代州神仙橫城及平定承天鎮諸隘攻太原
府宣撫使烏古論禮遣人間道齎書至京師告急詔發
潞州元帥府平陽河中緝孟宣撫司兵援之乙亥高琪請
修南京裏城上曰民力已困此役一興病滋甚矣城雖完

固朕亦何能獨安此乎

本紀第十四



